

## **LATIN: LEVEL I**

*Note: Students are required to recite from memory **two** poems: the Mandatory Selection as well as one from the Second Selection.*

### **Mandatory Selection**

#### **Catullus 107**

si quicquam cupido optantique optigit umquam  
    insperanti, hoc est gratum animo proprie.  
quare hoc est gratum nobis quoque carius auro  
    quod te restituis, Lesbia, mi cupido.  
restituis cupido atque insperanti, ipsa refers te  
    nobis. o lucem candidiore nota!  
quis me uno vivit felicior aut magis hac est  
    optandus vita dicere quis poterit?

(5)

### **Second Selection I**

#### **Catullus 5.1-6**

vivamus mea Lesbia, atque amemus,  
rumoresque senum severiorum  
omnes unius aestimemus assis!  
soles occidere et redire possunt:  
nobis cum semel occidit brevis lux,  
nox est perpetua una dormienda.

(5)

**LATIN: LEVEL I (cont'd)**

**Second Selection II**

**Catullus 8.1-5**

miser Catulle, desinas ineptire,  
et quod uides perisse perditum ducas.  
fulsere quondam candidi tibi soles,  
cum ventitabas quo puella ducebat  
amata nobis quantum amabitur nulla.

(5)

**Second Selection III**

**Catullus 83**

Lesbia mi praesente viro mala plurima dicit:  
    haec illi fatuo maxima laetitia est.  
mule, nihil sentis? si nostri oblita taceret,  
    sana esset: nunc quod gannit et obloquitur,  
non solum meminit, sed, quae multo acrior est res,  
    irata est. hoc est, uritur et loquitur.

## **LATIN: LEVEL II**

*Note: Students are required to recite from memory **two** poems: the Mandatory Selection as well as one from the Second Selection.*

### **Mandatory Selection**

#### **Propertius 1.10.1-10**

O iucunda quies, primo cum testis amori  
affueram vestris conscius in lacrimis!  
o noctem meminisse mihi iucunda voluptas,  
o quotiens votis illa vocanda meis,  
cum te complexa morientem, Galle, puella (5)  
vidimus et longa ducere verba mora!  
quamvis labentis premeret mihi somnus ocellos  
et mediis caelo Luna ruberet equis,  
non tamen a vestro potui secedere lusu:  
tantus in alternis vocibus ardor erat. (10)

### **Second Selection I**

#### **Martial 5.58**

Cras te victurum, cras dicis, Postume, semper:  
dic mihi, cras istud, Postume, quando uenit?  
Quam longe cras istud! ubi est? aut unde petendum?  
Numquid apud Parthos Armeniosque latet?  
Iam cras istud habet Priami vel Nestoris annos. (5)  
Cras istud quanti, dic mihi, possit emi?  
Cras vives? Hodie iam vivere, Postume, serum est:  
ille sapit quisquis, Postume, vixit heri.

## **LATIN: LEVEL II (cont'd)**

### **Second Selection II**

#### **Martial 1.21**

Cum peteret regem, decepta satellite dextra  
ingessit sacris se peritura focis.

Sed tam saeva pius miracula non tulit hostis  
et raptum flammis iussit abire uirum:

urere quam potuit contempto Mucius igne, (5)  
hanc spectare manum Porsena non potuit.

Maior deceptae fama est et gloria dextrae:  
si non errasset, fecerat illa minus.

### **Second Selection III**

#### **Martial 2.5**

Ne valeam, si non totis, Deciane, diebus  
et tecum totis noctibus esse velim.

Sed duo sunt quae nos disiungunt milia passum:  
quattuor haec fiunt, cum rediturus eam.

Saepe domi non es; cum sis quoque, saepe negaris: (5)  
vel tantum causis vel tibi saepe vacas.

Te tamen ut uideam, duo milia non piget ire;  
ut te non videam, quattuor ire piget.

### **LATIN: LEVEL III**

*Note: Students are required to recite from memory **two** poems: the Mandatory Selection as well as one from the Second Selection.*

#### **Mandatory Selection**

##### **Horace 1.37.1-16**

Nunc est bibendum, nunc pede libero

pulsanda tellus, nunc Saliaribus

ornare pulvinar deorum

tempus erat dapibus, sodales.

Antehac nefas depromere Caecubum

(5)

cellis avitis, dum Capitolio

regina dementis ruinas

funus et imperio parabat

contaminato cum grege turpium

morbo virorum, quidlibet impotens

(10)

sperare fortunaque dulci

ebria. Sed minuit furorem

vix una sospes navis ab ignibus,

mentemque lymphatam Mareotico

redegit in veros timores

(15)

Caesar, ab Italia volentem

**LATIN: LEVEL III (cont'd)**

**Second Selection I**

**Horace 1.37.17-32**

remis adurgens, accipiter velut  
mollis columbas aut leporem citus  
venator in campis nivalis

Haemoniae, daret ut catenis

fatale monstrum. Quae generosius (5)  
perire quaerens nec muliebriter

expavit ensem nec latentis

classe cita reparavit oras,

ausa et iacentem visere regiam

vultu sereno, fortis et asperas (10)

tractare serpentes, ut atrum

corpore conbiberet venenum,

deliberata morte ferocior:

saevis Liburnis scilicet invidens

privata deduci superbo, (15)

non humilis mulier, triumpho.

## **LATIN: LEVEL III (cont'd)**

### **Second Selection II**

#### **Ovid *Amores* 1.1-12**

Arma gravi numero violentaque bella parabam  
edere, materia conveniente modis.

par erat inferior versus—risisse Cupido  
dicitur atque unum surripuisse pedem.

'Quis tibi, saeve puer, dedit hoc in carmina iuris?' (5)

Pieridum vates, non tua turba sumus.

quid, si praeripiat flavae Venus arma Minervae,  
ventilet accensas flava Minerva faces?

quis probet in silvis Cererem regnare iugosis,  
lege pharetratae Virginis arva coli? (10)

crinibus insignem quis acuta cuspidе Phoebum  
instruat, Aoniam Marte movente lyram?

### **Second Selection III**

#### **Ovid *Amores* 1.18-30**

nec mihi materia est numeris levioribus apta,  
aut puer aut longas compta puella comas.' (20)

Questus eram, pharetra cum protinus ille soluta  
legit in exitium spicula facta meum,

lunavitque genu sinuosum fortiter arcum,  
'quod' que 'canas, vates, accipe' dixit 'opus!'

Me miserum! certas habuit puer ille sagittas. (25)

uror, et in vacuo pectore regnat Amor.

Sex mihi surgat opus numeris, in quinque residat:

ferrea cum vestris bella valetе modis!  
cingere litorea flaventia tempora myrto,  
Musa, per undenos emodulanda pedes! (30)

## **LATIN: LEVEL IV**

*Note: Students are required to recite from memory **two** poems: the Mandatory Selection as well as one from the Second Selection.*

### **Mandatory Selection**

#### **Lucretius *De Rerum Natura* 2.1-13.**

Suave, mari magno turbantibus aequora ventis  
e terra magnum alterius spectare laborem;  
non quia vexari quemquamst iucunda voluptas,  
sed quibus ipse malis careas quia cernere suavest.  
suave etiam belli certamina magna tueri 5 (6)  
per campos instructa tua sine parte pericli; 6 (5)  
sed nihil dulcius est, bene quam munita tenere  
edita doctrina sapientum templa serena,  
despicere unde queas alios passimque videre  
errare atque viam palantis quaerere vitae, (10)  
certare ingenio, contendere nobilitate,  
noctes atque dies niti praestante labore  
ad summas emergere opes rerumque potiri.



**LATIN: LEVEL IV (cont'd)**

**Second Selection I**

**Lucretius *De Rerum Natura* 1.921-930**

Nunc age, quod super est, cognosce et clarius audi.

nec me animi fallit quam sint obscura; sed acri

percussit thyrsos laudis spes magna meum cor

et simul incussit suavem mi in pectus amorem

Musarum, quo nunc instinctus mente vigenti 925

avia Pieridum peragro loca nullius ante

trita solo. iuvat integros accedere fontis

atque haurire iuvatque novos decerpere flores

insignemque meo capiti petere inde coronam,

unde prius nulli velarint tempora Musae; 930

**Second Selection II**

**Vergil *Eclogue* 4.4-14**

Ultima Cumaei venit iam carminis aetas;

magnus ab integro saeculorum nascitur ordo. (5)

iam redit et Virgo, redeunt Saturnia regna,

iam nova progenies caelo demittitur alto.

tu modo nascenti puero, quo ferrea primum

desinet ac toto surget gens aurea mundo,

casta fave Lucina; tuus iam regnat Apollo. (10)

Teque adeo decus hoc aevi, te consule, inibit,

Pollio, et incipient magni procedere menses;

te duce, si qua manent sceleris vestigia nostri,

inrita perpetua solvent formidine terras.

**LATIN: LEVEL IV (cont'd)**

**Second Selection III**

**Vergil *Aeneid* 1.430-440**

Qualis apes aestate nova per florea rura (430)

exercet sub sole labor, cum gentis adultos

educunt fetus, aut cum liquentia mella

stipant et dulci distendunt nectare cellas,

aut onera accipiunt venientum, aut agmine facto

ignavum fucos pecus a praesepibus arcent: (435)

fervet opus, redolentque thymo fragrantia mella.

'O fortunati, quorum iam moenia surgunt!'

Aeneas ait, et fastigia suspicit urbis.

Infert se saeptus nebula, mirabile dictu,

per medios, miscetque viris, neque cernitur ulli. (440)